

Ukiut utingitpata kanuk?



Inuit Ihumagiyait Hilamik Aalangutilimat Akhuugutait Nunavumi

**- Naitumik Katimayut Tuhaktakhait -
March 15mit-17mut, 2005
Iqaluit**

Hivulimi Tuhagutikhait

March 15mit 17mut, 2005, Nunavut Tunngavik Timinga (NTI) katimapkaihimayut ayoikhaiplutik hilamik aalanguktilimat kanuginiagaikhitaginik. 40nik Inunik katimahimayut Iqaluni ilaukatauplutik pingahuni ubluni ayoikhaimayut pinahuakhutik Inuit ihumagiyainik hilamik aalanguktilimat kanuginiagaikhitaginik ihumagiyainik Nunavumi. Ilaukatauyut ilangit; Inuit Inutukait, Umayukhiuktit (HTO), ovalo Aviktukhimayut Umayuligiit (RWO), Inuit Havakviit (Aviktukhimayut Inuit Katutjikatingit, NTIkut, Inuit Tapiriit Kanatami ovalo Inuit Hilakyuami Katimayit) havaktiit, ilaukatauyut Kanatamit ovalo Nunavumit kavamatkut ovalo Kablunaat kauyimatukangit. Ayoikhaiyut ikhivautakaktut Joanasi Akumalik, Atangyak Kavamatkut ovalo Tuhaktituiyit NTIkunit. ArcticNetkut ovalo Kavamatkut Kanatami Hilakyuanik Hanatiligiit Uktugutit pilihimayut ikaukhimayut kinauyakhainik katimayunut ovalo ayoikhaktunut.

Ayoikhaktut Naunaiyautait:

Ikaluktiami, Marchmi 2001, NTIkut katimapkaihimayut *Inutukait Katimakyuagutait Hilamik Aalanguttilimat*. Pingahunik ubluni katimayut katimapkaihimayuk 18nik inutukanik tamaat Nunavumit ovalo ilaukatauyut Inuit havakviinit, Kanatamit ovalo Nunavumit kavamatkunit ovalo IPGkunit. Inutukait ilaukatigihimayait nalungitaminik ovalo ayongitaminik ihumaalugiyait hilamik aalanguktiligutait Nunavumi ovalo naunaiyakhimayut ikpinagutait hilamik aalanguktiligutait hunauyut, piliktut ikpigiliktait hatja nunamini. Pingahut ukiuni, tuniyauhmayuk *Ukiuktaktumi Hilamik Ikipinagiyut Ihivgiugutikhait (ACIA)*, ataani Ukiuktaktumi Katimayit pihimayut hilakyuamit ikayuktauhimayut ukautait hamanga. Pinmata, ACIAkut pikuyakhait pitkutauhmayut piyumayait kungiafaalugit kanuginiagutait ihumagiyainik mikhaanut hilamik ovalo hilakyuami aalanguktiligutait ikayuktauyut hapkonanga ukautainik Inutukait katimakyuaktitlugit:

“Apigiyakhavut ilanyut huniakpita? Kanuk kanugitjutiginiakpitigu ovalo Inuubiakpita? Joe Arragutainaq, Sanikiluaq

“Inuubivut ikpigiyauliktuk hamani hilamik aalanguktiligutainik. Paknaiyakhimayukhanuyugut aalanguktiligutainik Inuulgamivut akhuugutigilaaktainik piyaagita.” Norman Attungalak, Kamanituaq

Ayoikhaiyut Hunmat:

Nunanit ovalo kablunaat kauyimatukangit nalungitait ilitagihimayut hatja ovalo hivunikhaptini ikpinagutigilaat hilamik aalanguktilimat Nunavumi, kungiaktauhimaituk kanugianiagutainik akhuugutikhait pivaliktut hapkoa Ikipinagiyauliktut. Kihimi, takuyauhmayut ACIAkunit ovalo Inuit Hilakyuami Katimayit havakpiagutait, hilamik aalanguktiligutit ihivgiugutainik tugaalaaniak ihumagiyakhainik munagitjutikhait ovalo kanuginiagutait ihumagiyainik. Taimaimat, akhuunaktuk Inuit ukaktukhat ihumagiyaminik ovalo ihumaalugiyaminik ihivgiuktut maliktitakhait ilitinagit nigiganit Kanatami ovalo hivuliyutiyumanainik ovalo ihimaalugiyainik. Ovalo, nunataagutit angigutait ovalo Inuit kauyimatukangit ovaluniit Inuit inuukatiminit ukpigiyait takuyauyukhat tuhaktauyaami angigutit atugutait pipkatinagit. Nunavumi, kaipkakhugit tamamik tighimayut nunanit ovalo kablunaat kauyimatukaginit nalungitainik atauhimi katimagumik nakuutkiyauniaktuk atugumik pinahuaktainik hamna tikitumayait.

Kitkaniitut Ihumagiyakhat

Ihumagitiaktainik pihimayut kitkanit tighimayut nunait ovalo kablunaanit kauyimayatukaginit hilamik aalangutiligutainik ikpinagiyauliktuk Nunavumi hilakyuangit ovalo umayuit. Kablunaat kauyimayut ihumagivaktait ilitagilikhugit kanuginialiktuk hivunikhavut ovalo pipkainahualutik mikhitigutikhainik pilaaktut hivunikhaptini ikpinagutikhait, Inuit kungiagutait ilitagiyauhimaliktuk pikatainagutainik ovalo nalunginaminik ublumi kanugitaakhait Nunavumi hilakyuangit ovalo umayuit. Angikhimayutlu takukatagutait ovalo kungiagutait piyukhat naluhuigiami ovalo ilitagiyaami hilakyuami ovalo inuligiyyit/hanatiligiyit aalangutigitait. Iniktikhimaimata Nunavumi Kungiagutikhait Paknaiyutait ataani ilangani 12.7.6 *Nunavumi Nunataagutit Angigutaani* (NLCA), taimaimat pipkayuitait Inuit inminiigutainik tuhagiamini kanugitaakhait nunait.

Kihimi, Inuit Qaujimaqatugangit (IQ) ovalo kablunaat kauyimayatukangit ovalo kavamatkut tikitigumayait aatjikiingimata kanuginiagutikhainik ikpinagutainik hilamik aalangutiliktumi. Amigaituni, kanginiagutait ilhaktugutini ihumagimagit Inuit umayukhiuktunut, autlaagaagamik nunami ovaluniit tagiut hikuini, atukatalimata ihumagiyaminik aalangukatait kanugitaakhait ubluk tamaat. Kanuginiagutit ihumaalugivalaayuitait naluhuinahuakhugit ilaa hilamik aalangutiligutait pilikpaktainut, ilaa pikatainagutaumat. Ilaalu, hilamik aalanguliktut kanuginiagutait inunut, kihimi Inuit hivulinik ihumaalumata ikpinagutait hilamik aalangutiliktut umayunut ovalo nikikhaviminik. Taimaimat, hilamik aalangutiliktut akhuugutigilikmat ihumagiyaayuk ilaa, ikpinagiyaumat ukiuktaktumi umayunut ovalo pilaamat angilitiluni tamailaaktut Inuit umayukhiugutait inuuviviniinut ovalo ilaukatingit inuligiyyit ovalo hanatiligiyiinut ikpinagiyait nunanit nikikhait, ihumaalungithugit ikpinagutait havakatigiigutikhanut. Kingulimi, Inuit ihumaaluktut nakuutjutikhainik hivunikhaptinik Inuuyukhanik kihimi, kablunaat kauyimayut hanayakhainik maligutikamata ovalo kavamatkut maliktakhaminik atugutikamata. Akhuugutikhat talvaniimata ihivgiuktut akhuugutiginiaktait akagu inuulgamiit inuutjutiginiaktainik ilaa, hilamik aalangutiliktut.

Taimaimat, ihumagiyait pihimayut mikhaanut Inuit munagiyakhainik kanuginiaktut iluani Nunavumi Angigutaani, ilaa, hilamik aalangutiliktut, ilangit; atulilaaktuk angmaktaugumi Ukiuktaktumi Atugutaikhait tagiumi ikaagutikhainut hilakyuamit umiaktuguvikhait. Ilaa; ikpinagiyaumat Nunavumi hilakyuanganut ovalo umayunut ovalo taimaimat, inuligiyyit ovalo inuuviviniit ovalo hanatiligiyikhait ilangit Inuit umayukhiugutaini, hilamik aalangutiligutait, kinguani, ilaukatigiikmata angigutaanut munagitjutainik Inuit inminiigutainik ovalo pipkailutik Inuit inminiigutikhait inuligiyyiini ovalo inuuviviniini nakuutjutikhainik: *Nunavumi Nunataagutit Angigutaani*.

Takukhauliktut

Ilaukatigiit kitkanit Inuit Qaujimajatuqangit ovalo kablunaat kauyimayait:

- Inuit Qaujimajatuqangit ilaupkalaituk kablunaat kayimayatukaginut, ilaa inuukatigiit ukpigiyait angitkiyaumata Inuit Qauyimayatukaginit pihimamata, inminik, aalaumat kablunaat kauyimayatukanginit.
 - Tamamik haniganiitukhaumata inminit
- Inuit kungiagutait ikayumagit kablunaat naunaiyautait ovalo inminutlu
 - Kauyimayantit ilaukatauyukhat tamamik
- Ilaa, pikaluanginmat aatjikutainik katitikhimayunik Nunavumi hilakyuanganut, Inuit kungiagutait nakuuyut tuhaktituiyaami ovalo maliktipkaivlutik kablunaat kauyimayut ihivgiugutainik.
 - Akhuugutit nuutitinahualugit ihivgiugutit mikhaanut ihumagiyaait naamagiyaunut nunait
- Pikatayuimat Inuit ihumanahuakhugit hivunikhainut ukiunik, kablunaat kauyimayut naunaiyakhahuayuktut kanugiagiakhaa aalangutiligutait ovalo pipkailaakhutik kilamik takuhaktaminik mikhaanut.
 - Ihumayukhat hivunikhavut akhuugutikhait ovalo pilaaktait

Ikpinagutait Tagiut hikuit ovalo tagiut hilakyuanguit:

- Tagiut hikuit hivikpalaaguiktut ovalo atugutait aalanguktilikhutik
 - Ikpinagutait natiit ivavaviit ovalo agluini natikhuigutit atugutait ovalo hikuilgukhiuviit umayukhiugutaini.
- Tagiut hikuit kikituyuktut kinguani ovalo ahiguktiyukhuni kilamitkiyak
 - Ikpinagutait umayukhiugiami, natiit amiiyaiyuitut hikuiyaktinagu
- Angutit hakugikhiliktut ovalo nalunakhilikhutik
 - Ikpinakhiliktuk hikutiligutini/ahiguktiligutini ovalo kayaktugiami ukiungit
- Nungutigutait tagiut hikuit ikpinagiliktait aniagutainut ovalo ingutaagutainut nanuit
 - Ayokhagutit nanunik amigailiktuk
- Mahaktigutait/pikangitumik ukiuk tamaat hikunik haniani nunat ikppinagutait hikukyuat haniani imat/hikut tamaktiliktuk, ovalo atugutait hikukyuat teeliugutikhanik
- Havaktuukviit tagiut hakugikhiliktut ovalo imaukakatautjutit akhut takukhauliktut
- Kinauyaliuktut ikalukhiuktuni pilaaliniaktut angililutik

Ikpinagutit aputini ovalo nunani/imani hilakyuanguit:

- Piguyaiyaami uyunik hatja ayonakhiliktuk ilaa, unalimat ovalo uyuit ihuilikpaliktut
 - Nakuuyunik nunani kikitivikhanik atuktukhaniktuk
- Kuugat ovalo tahiit imait imaiktiliktut
 - Amigaitut kakani ikalukhiugutait atulaitut ovalo ikaliviit ilangini kuugani ayokhaliktut tahikmungauyaamini ikaliviugiaktukviminut
- Paungat amigaihuiliktut kinguliptinit paungakhiuvikatakviptinit
- Anukhiikatagutit aalanguliktut, ilaa kananait kivataanut
 - Ayonakhiliktuk atukatagiami aputit naunaiyagiami autlaagutinit
- Aputit aalanguliktut
 - Ayoknakhilikhutik ovalo ayonakhivlutik iglooliugiami

Ikpinaġutait Umayunut:

- Umayut aktukatatkiaumat hilakyuamut Inunit
 - Ayoilaaktut aalanguktitiġutainik kungialugit umayut
- Nuutitigutait ovalo amigaitġutait kupilguit, kupanuut ovalo umayut aalanguliktuk
 - ‘Aalangayut’ kupilguit ikpinaġivaktait aniaktailigutait tuktut ovalo kupilguit ilangit tamatkilaaktait umayugutait unatkiyami.
- Tuktut ilangini atugunailiktait atukataminik nuutitigutimini tagiut hikuit aalangulimata ovalo atugunailiktait ilangit kuugat hikuyunailimata.
 - Ilangit nunaligigalaat atulaitut
- Tuktut ovalo ikaluit kapaliktut, aniaktutut ilihutik
 - Ilangit Inuit niuvikataliktut nunanit nikikhanik ovaluniit tinmiakut akuiktukatalikhutik ilaminit aalanut nunanit kihimi ayokhaktut ilangit atukhutik nunaminit umayunik
- Kanugitġutait amiit nakuuhuilitut
 - Ayonakhiliktuk mikhuktunit aanugaaliugiami
- Ayonakhiliktuk tuktut nuutitigiaminik nipaliinalimat aalanguktilikhuni ukiumi ilaani

Ikpinaġutait Inuuhiptini ovalo Inuutġutikhaptini:

- Hilamik aalangutiligutait hilakyuamut ihumagiyait talvatuak kihimi Inunut ilaa, Inuit nikiminik ilaukatigiyukmata ovalo umayukhiugutit atugutait atukpamata umayut ilangainik ovalo hilakyuami naunaiyautait ikpinaġilimagit hilmik aalangutiligutainik.
- Inuuhiptini ovalo Inuutġutikhaptini hivunikhavut Inuit ikpinaġiniaktut hilmik aalangutitġutainik
 - Kihimi hilmik aalanguktiligutait ihivgiukhimayukhat angiyumik pilugit, amigaitut aalanik inuligiyit/hanatiligiyit ovalo palitiksgit aalanguktigutait ikpinaġiniamagit Nunavumi Inuit.
- Amigaitut Inuit atuyumata aputinik autlaagiami kitkanit nunani
 - Katikatagutait nunat mikhiniaktuk apulaiginalikat autlaagiami kingmikut ovaluniit skidookut, ilaa, tingmiyaami ilaani pilaimat ovaluniit pikaluayuinmat ovalo akituvluni
- Ayonakhiliktuk inuuyaami inuuvigaluaptini, pikataliktut aalangulitik ovalo ilaulilituk kinauyaliuktuni inuuhitġutainut.
 - Ikiklilitut umayukhiuktut/mikhuktitiyit pipkainiaktuk ikiklilitugit inuulgamiit ayoikhagiamini/ilihagiamini ikayugiami kanuginiagutainik inuulgamiit
 - Mikhilikat inuuhivut/nunani atugutit ayoikhaitġutait kavamatkunit ikayuktauniamata
- Hilanik kungiaġutait Inutukait naunaiyagiami ayokhaliktut ilaa hilmik aalanguligutait ikpinaġilimagit naunaiyautait kungiaġiamini kanuginiaktuk hilait avataanut ubluni
 - Angililiktut atukatagutainik hilaligiyinit naunaiyautainik ovalo pikatalikhutik inuulgamiit maliguilikhugit ukautait ovaluniit kanuginiagutait hilat Inutukait “ukauhiit inutkuat,” Inutukak taiyauvaktuk haklavluni ihuitumik naunaiyakhimagami hilakhamik
- Akhut ayokhaktitiliktut ikluminiikatigiit ovalo inuuhitġutikhait umayukhiugutit tamaigaagata ilaa, aalanguktilimat hilait (ilaa; tagiut hikuini)
 - Piyukhat umayukhiuktut tutkuumatġutikhainik ovalo/ovaluniit ayokhahaktut ikayugutikhainik kinauyakhainik

- Inuulgamiit ovalo havaguikhimagaagat umayukhiuktut ayongitpalaaktut ovalo kungiakpalaayuitut hilani, nalunmata ovalo pilaamata aniktahalikakhutik
 - Ilaliktut anikhalaagutait piliktut aalanguktiligutainik hilaamik angililiktut nalugiyakhait angililinmat inuulgamiit umayukhiuktunik

Ikpinaġutait Havakatiġutikhanik:

- Nalunailiktut hinaangit tagiut tamalimata ovalo mahaktilimata nunat ataagit
 - Nunai paknaiyautit ilauyukhauliktut nutaanik hanatjutikhainik ovalo atugutainik
- Avaliitut milviit nunani hanahimanmata malikhugit anukhikataminut
 - Haniganit anukhikpat aniktailigutit ihumagiyaunialiktut pipkailaaluni hanalutik aalanik milvikhanik
- Kinguliptini ovalo ublumi havakviit utiktitjutait atuyumata nunat ataani kikitigutainut munagiyaami ikakuuviit
 - Kungiagutait utiktihimayut DEWlineni ovalo uyagakhiukviit nunaini kuvikatagutainik aninaktunik
- Hakugikhiliktut anugit ulgutikatalimata napaaktuinik alguyainik kuliligiyit
 - Ihumaliktutik ataanungaktuilugit nunanut alguyat ilaa, ukiumi kuliligutit kamihimagaagata ayokhautigiyumat.
- Uhiiviit/nutkakatakviit imanik ovalo nunani kikitiviit atukataliktut amigaituni nunani

Ikpinaġutait Nunavumi Nunataagutit Angigutaanut (NLCA):

- Aalangugalualuni, NLCA talvaniiginianiaktuk munagilugit Inuit inminiigutait
- Inuit aivakhimayait NLCA ikayugiamini hivunikhavut
 - Hilaamik aalangugutait unghaktumut pihimamata, aktukatainamagit NLCA
- Hilaamik aalanguktiligutait angilipkainiaktuk piyumayainik nanaiyaklugit ovalo tuhakatalutik hilakyuami kanugitjutait Nunavumi Angigutaa iluani ovalo inuligiyyit ovalo hanatiligiyyit kanugitjutait Inuit
 - Iniktikpiagutikhait Ilangani 12.7.6 (Nunavumi Kungiagutait Paknaiyautait) ikpinianiaktuk
- Umayut ovalo pilaagutait umayunik ilaukatauyut umayukhiugutit inminiigutainut ovalo inuligiyyit-inuuviviniit nakuutjutainik Inuit
 - Ilangani 5 (Umayuligiyyit) piyukhat tunilugit Inuit pilaaktainik munagiyaamini Nunavumi nunait ovalo umayuit, ayokagutigigalualugit hilaamik aalanguliktut, Inuit tighimayakhait inuuviviniit ovalo ukpigiyait
- IPGkut, ilaa; Nunavumi Umayuligiyyit atuktut naamagitjutainik hilaamik
 - Naamaktunik pitkutikangitpata tunihimayut IPGkunut, ayokhianamata munagiyaamini ublumi hilaamik aalangutiligutainik munagitjutiminut ovalo paknaiyautainut
- Ikpinaġutait ovalo kanuginiagutait pivaktut nunanit
 - Nakuuyunik ilaukatautjutikhait Inuit hanauyautaini, hanatiligitjutaini ovalo tunitjutaini Inuligiyyit hanatiligiyyit pikuyakhainik, pilihimayunik ovalo ikayugutikhainik (Ilangani 32) akhuugutiginiaktait kavamatkut pihimayainit ublumi

Kanuginiagutait:

- Inuit kanuginiagutait hilmik aalanguktilikat atuniaktut Inuit Qaujimagatuqanginut
- Inuit havagutikaktut kitkaniitut pihimiyainik inuuhiminut hilmik aalanguktiligutainik avalitukhat kanuginiagutainik (mikhitilugit aalanguktiligutait ovalo ikpinagutait ukiuktaktumi inuugialigutainut munaginiamata hivuliulutik).
 - Ukiuktaktukmeot avalilaitut kanuginiagiagani, tuhagutikhait tuhaktituyukhat hilakyuamut, ilaa; kinguani hulilaaktut ukiuktaktumi ikpiginiamagit inuuhiminik ovalo inminiklu kanugiagutikaniaktut hilmik aalangugutainik.
- Iitagiuyukhak nunat piyumayait aalatkiiktut ovalo hilmik aalangtigitait kauginiagutainut ayokhalaaktut ovalo piyumayait ihivgiugutait paknaiyahimayukhat ovalo munagilugit
 - Ihivgiukatagiinalaaktugut kihimi havaktakhait iniktigitainik
- Ukauhiit pihimatjutait ovalo inuuviviniit pihimayakhait ikpinaktut kanuginiatait atugutainik
 - Piyukhat kiniklugit kitut ukauhinut ovalo inuuviviniit ilangit pilaaktut ihuinaaktitilugit ilaa hilmik aalangukat
- Piyukhat ihivgiugutit iniktigitait pilaaktukhat kilamik tahapkononga naitumik paknaiyagutikhanik angiktukhat Nunavumi
- Inuulgamiit piyukhat ayoikhaktitilutik ovalo ilihaktaulutik ayoikhaitjutaikhainik nakuuyumik kanuginiagiakhaita aalangutitilugutainik hilakyuamik tamaingilutik inuuviviminik pigumik
 - Piyukhat akhuugutikhainik pilutik hivunikhavut inuulgamiit
- Ilangit kanuginiagutait piyukhat kilamik ovalo atuniaktut kinauyakhanik
- Ihumagiyainik kiniktukhat kivilaitunik hanalgutunik ovalo imaktuuyuktunik nunahiutunik
- Kiuyauyuitut ihumaalugiyauyut ukakhimayut mikhaanut ikpinagutait hikinimit unakutait
- Kingmiktugaagat atulaaktut “Inminik” aniktaitilugutainik naunaiyautigilugit ovalo kinikhiatjutinut atuklugit
 - ‘Utiktigumik’ kingmiktugaagtinut angilaaktuk pilaaktainik kanuginiatuagunik aalanguliktunut hilakyuamut

Kanuginiagutait Hivuliuyukhat:

- Inuit ihumagivaktait tamamik umayut ovalo umayuliit aatjikiikhtutik ilaptinut
 - Hivuliuyukhat ilaa atugutigiyait ihivgiuktut ovalo pikuyaliuktut
- Inuit, kavamatkut, angayukaat ovalo kablunaat kauyimayut havakatigiiktuhat nakuuyukhat iniktiniakata hamani ihumagiyamik
- Ihivgiugutait ikpinagutaiik hilmik aalanguliktut umayunut ovalo nikikhainut
- Tuhaktituitjutait ovalo kungiagutait (nalunaiyklugu hunanik piyakhat kanuginiagutit)
- Himuktitilugit hilmik aalanguliktut tuhagutikhainik tamamik Inuktut ovalo Inuinaqtut
- Naunaiyklugit nutkaktititjutait kanuginiagtit
 - Nuutitilaitut akigaktititjutit ovalo munagitjutit maliktitiluktut ayonakhitjutait munagiyaami kanuginiagutit?
- Naunaiyklugit ovalo ihivgiuklugit pilaaktavut, ilangit kinauyaliugutit ikalukhiuktini

Kingulimi, NTKut koanagiyait tamamik ayoikhaktuni ilaukatauyut ilaukatigigani nalungitait ovalo ihumagiyait hilaik aalanguliktuni ovalo ikpigivlugit tungahukutainik ihumagiyainik aalanit.



Inuit Ihumagiyait Hilamik Aalanguliktumi Kanuginiagutait Akhuugutit Nunavumi

March 15mit-17mut, 2005 (Ikluani 981, Iqaluit)

Tuesday, March 15mi

Ublaami (9mit – 12mut)

Ilitagipkaiyut katimayunik

- Hunanik Inuit Qaujimagatuqangit ovalo kablunaat kauyimayut ukakpakpat hilamik aalanguliktumik Nunavumi?
- Hunanik naluhuiktukhauyugut ublumi ovalo hivunikhami hilamik aalanguliktumik Nunavumi?

Ublumaani (1:30mit - 4:30mut)

- Hunayut ublumi ikpinagutait hilamik aalanguligutait Nunavumi nunaini?
- Kanuk Nunavumi nunait kanuginiaktut tahapkononga ikpinagutainut?

Wednesday, March 16mi

Ublaami (9mit – 12mut)

- Hunayut pilaaktainik (aipaini 20ni ukiuni) ikpinaginiaktait hilamik aalangugutait Nunavumi nunainut?
- Hunanik Nunavumi nunait piyukhat kanuginiagutainik tahapkoa pilaaktaini ikpinalaat?
 - Hunat pilaaktut ayonalaagutait inuuviviniit ovalo umayukhiugutit havaktakhaini?

Ublumaani (1:30mit - 4:30mut)

- Hunat nunani, havagutikhaini ovalo ihivgiugutini akhuugutiginiaktut hilamik aalangutigutait kanuginiagutaini?
- Kanuk ilaukatigiiluta ukautiginiakpitigu tahapkoa akhuugutikhat?

Thursday, March 17mi

Ublaami (9mit – 12mut)

- Inminiigutit munagiyayut ataani *Nunavumi Nunataagutit Angigutaani* ayokhalaaktut hilamik aalangutiligutaini?
- Nani Nunavumi nunait nalvaalaaktut Kanatami ovalo hilakyuami ikayugutikhainik kanuginiagutainik hilamik aalanguliktumik?

Ublumaani (1:30mit - 4:30mut)

- Hunayut hilamik aalanguliktumi kanuginiagutaini hivuliniaktut Nunavumi?
 - Kanuk Inuit havakviit, ihivgiuktut ovalo kavamatkut ukaniakait ihumagiyainik kanuginiagutait hilamik ovalo hilakyuami aalanguligutait Nunavumi?
- Umiktigutini Ukauhiit:

Ayoikhaiyuni Ilaukatauyut

Inutukaitis

Gino Akkak (Kugaaruk) **Jerome Tattuinee** (Kangiklinik)
Bob Konana (Ukhuktuuq) **Apak Qaggasiq** (Kangiktugaapiq)
Emily Alerk (Kamanituaq) **Jamesie Mike** (Pangnirtung)

Nunani Umayukhiuktit ovalo Aviktukhimayunit Umayukhiuktit

Peter Qayutinaaq (Taloyoak) **Lucassie Arragutainaq** (Sanikiluaq)
Willie Nakoolak (Salliq) **Nathan Qamaniq** (Igloodik)
John Kaunaq (Naujaat) **Koonoo Oyukuluk** (Ikpiarjuk)
Agnes Egotak, KitHTA (Kugluktuk) **Joannie Ikkidluak, QWB** (Kimmirut)

Havakviit Inuit Kavamaligiyyit (IPG)

Guy Kakkiarniun, Nunavumi Imaligiyyit (Kugaaruk)

Aviktukhimayut Inuit Katutjikatingit

Joe Amagoalik, QIA (Iqaluit) **Lynn Carter, KitIA** (Kugluktuk)

Nunavut Tunngavik Timinga

James Eetoolook (Ikaluktutiak) **Paul Irngaut** (Iqaluit)
Joanasie Akumalik (Ottawa) **Jenny Ipirq** (Iqaluit)
Jeannie Ehaloak (Ikaluktutiak) **Philippe Lavallée** (Iqaluit)
David Kunuk (Iqaluit) **Marius Tungilik** (Iqaluit)

Hilakyuamit ovalo Kanatamit Inuit Havakviit

Sheila Watt-Cloutier, ICC (Iqaluit) **Tommy Akulukjuk, ITK** (Ottawa)
Paul Crowley, ICC (Iqaluit) **Heather Moquin, ITK** (Ottawa)

ArcticNetkut/Ihivgiuktit

Mark Nuttal (Edmonton) **Jaime Dawson** (London, ON)
Johanna Wandel (Guelph) **Shari Fox-Gearheard** (Kangiktugaapiq)

Nunavumi Ihivgiuktit Havakviit

Jamal Shirley (Iqaluit)

Kavamatkut Kanatami

Don Lemmen, NRCan (Ottawa) **Donna Mandeville, EC** (Ottawa)
Robyn Abernathy-Gillis, INAC (Iqaluit) **Marie-Ève Néron, INAC** (Ottawa)

Kavamatkut Nunavumi

Ian Rumbolt, Hilakyualigiyyit (Iqaluit)

Nunavumi Iliniagiakpaalivik

Melanie Howell, Hilakyuani Havaktiligiyyit Pilihimayut (Iqaluit)